

عالم حقوق

مُقَابِلَةُ قَوَانِينِ مَجْدُو عَشْرِي

مراى نشر اولتور

مؤسس وصاحبي

کرمیچہ مبعوثی : محمد عارف

حقوق دول

معلمی: احمد شعیب بک

مابعد

پنه بوضرعه بوسنه هر سڪ عصيانى وجوده كلهر ك صربستانده تداركات
حربيه اجرا ايدللكه باشلانيور بوكا باشليچه سائق بوسنه هر سكه بر جوق
صربيلرك بولنسيدير . حتى اوروپا دولترى براختالدين اجتناب ايچون اوزمان
بوسنه هر سڪ واليلكنك بروبركو مقابلنده وقيد حيات شرطيله پرنس [ميشهله]
ويرلسنى مذاكره ايدبورلردى . بواشاده يعنى (۱۸۶۹) ده ميشل قتل ايدلدى .
وايشته صربيلرك شمديكى غليانى بوندين طولاييدر . اوتهدنبرو بوسنه يي آلمق
ايسترلر وبتون افكار سياسيه و آمال وطنپرورانهلرى بوسنه يه معطوفدر . شمدي
بوسنه هر سكه اوسترياه الحاق قطعيسيله بديعه خياليه سى . بتون اميدى قيريلبور .
ميشه لك يكى (ميلان اوپرانويچ) هنوز اون درت ياشنده ايكن پرنس اعلان
ايدلدىكى كې بالاخره قرال اولدى . بواشاده صربستانده تدريسات ابتدائيه
ايچون مكتب صندوقلى يابلدينى كې تدريسات تاليه ده تنسيق ايدلدى . صكره
قوانين مدنيه ، جزائيه وتجاريه ايله تشكيلات محاكم قوانين (۱۸۴۴) دن (۱۸۶۵)
تاريخه قدر اكمال ايدلدى . عين تاريخده تكاليف عموميه دولته دائر بر قانون نشر
ايدلدىكى كې (۱۸۵۳) ده ايلك دفعه اوله رق مكتب حربيه تأسيس و (۶۱) ده
حربيه نظارتى تنسيق ايدلدى .

— مملكتين —

مملكتينه كلنجه : افلاك ايله بغدادك اتحادى لهنده وعليهنده اتفاق افكار
يوق ، حتى انكلتره واوستريا دولترى وقتيله بوايى مملكتك اتحاديته مخالفت
ايچون آره لرنده (۱۸۵۷) ده كيزلى بر معاهده بيله يامشارلردى . فقط هر ايكى

مملکتده افکار عمومی اتحادی ارزو ایدیلوردی . نتیجهده بابعالی طرفندن پرنس (قوزیه) افلاق و بغداد ایچون آرو آرو ایکی فرمان ویرلدی . قوزیه هم افلاق هم بغداد پرنسی ایدی . وهرایکی مملکتک ناظرلری بشقه بشقه اوله جقدی . ایشته بومضحکایکی سنه قدر دوام ایتدی . بکرشده ، یاشده بیوک نمایشلر اولدی . نتیجهده هرایکی مملکت اتحاد ایتدی . اتحادی متعاقب رومانیانک روم بطریقخانه سنه اولان مربوطیتی فسخ ایدلدی . و (۱۸۶۵) ده ایملک سینود مجلسی اجتماع ایتدی . والیوم رومانیاکلیساسی اولان « اوتوقفال » مستقل برکلیسادر .

ایشته ترکیایه کندوسنی ربط ایدن باغک بریسیده بو صورتله چوزلدی . رومانیابوتاریخندن اعتبار آصلاحات داخلیه ایله مشغول اولیور . طشرمه اصلاحات ایله اوغراشسیور . قانون مدنی ، قانون جزا ، اصول محاکمه قانونلری نشر ایدیلیور . محاکم جزایشده زوری اصولتی قبول ، مجبوریت تدرس اعلان اولنیور . بوسیرمهده رومانیاده پرنس اولان شارل دو هو هو تزلزلرن ؛ که المانیا خاندانلر نندرنر . باب عالیئک بو انتخابی تصدیق ایتیمی اوزرینه استانبوله کلشدی . ومملکتک اتحادی آرتق قطعی و پرنسلک ارثی اولدی . ورومانیا آرتق (۱۸۶۶) قانون اساسیسی اعلان ایتدی . بوقانون اساسی ایله حق اجتماع و حریت معطوب . عات قبول ایدیلیور .

رومانیاده بر سناتو و برده مجلس مبعوثان اوله جق و نظارک مجلس مبعوثان مواجهه سنده مسئولیتی قبول ایدلدی . اداره سیده فرانسه اداره سنه توفیقاً طشرمیه یرمه یعنی والی و سورهفه یعنی متصرفلر کوندرلدی . بودورده اوروپاده سیاست نقطه نظرندن پک حائز اهمیت ایکی بیوله اتحاد وجوده کلدی . بری ایتالیا اتحادی دیگریدم المانیا اتحادیدر . بوائنده ایتالیا ده [لومباردیا] ووندیکده اوستریانک اداره عسکریه سی حکمفرما ایدی .

سکره طوسقانه و سچلیاده بر اداره مستبد و کیفیه اجرای حکومت ایدیلوردی . ساردنیا قرالی اولان [ویکتور امانوئل] ایتالیا اتحادینی ارزو ایدن بر حکمدار ایدی . و بونک ایچون اول امرده اصلاحات داخلیه تشبث ایلدی . قوه عسکره سنه تزیید ایتدی . و (۱۸۵۲) ده باش وکالته [قاوور] ی کتیردی قاوورکه

ایتالیا رجال سیاسیه سنک الکیوکی وحتی بیسمارقک استادی ایدی. بو آدم وقتیه
عسکر ایدی. صکره عسکرلکدن استعفا ایدرهک برمدت اوروباده سیاحت
ایتدی. وعلم اقتصادی تتبع ایدرهک نتیجه ده زراعتله مشغول اولدی. صکره
[ریژه رزومتو] غزنه سنی تأسیس ایتدی. وبرمدت صکره پارلمنتویه مبعوث انتخاب
ایدلدی. ده اوزمان ده ای سیاسایسینی کوستردی.

هر وقعه دن مملکتی ایچون استفاده تحری ایدر وموفق اولوردی.

ودول معظمه نك توجهنی قزانق ایچون (۱۸۵۵) ده قریم محاربه سنه اشترک
ایتدی. واون بش بیک کشیدن مرکب براردو تقدیم ایتدی. ایتالیا بوصورتله اوروپا
سیاسته داخل اولدی. ودینیه بیلیر که ایتالیا اتحادی بو تاریخدن باشلايور.
قاوور پارس قونفرم سنده بولنه رق دیپلوماتلری برچوق مشکلاتدن قورتاردی.
قونفرمه ایتالیانك حال پریشانیسندن بحث ایتدی. اوانتاده فرانسه نك ریاست
اداره سنده ناپولئون وار ایدی. اوناپولئون، که قومیت مسئله سنی عادتاً جنت
درجه سنه کتیرمشدی. حقوق دوله محرر اولدینی وجهله بر [ناسیونالیزم]
نظریه سی وار ایدی. بونظریه نك اووقت اک بیوک حامیسی ناپولئون ایدی.
دیگر طرفدن ناپولئون وقتیه ایتالیا ده دوشوب قالمشمشدی. اقراربندن برچوغی
ایتالیان ایدی. واوروپا خریطه سنی یکیدن یانمی تخیل ایدیوردی. ذاتاً ایتالیا ده
اولان دوستلری، اقرارلری دائماً ناپولئونه یازدقلری مکتوبلارده بدبخت وطنلرینه
معاونته بولنسی ایچون استرحامانده بولنورلردی. بناء علیه ایتالیا اتحادی
ایچون اوج مانع وار ایدی. بری سجلیاتین قرالی، ایکنجیسی پاپانك Legation
دینیلان اراضیسی یعنی پاپانك حکومتی [لغالر معرفتیه اداره ایدلدیکندن لغاسیون
دینور] اوچنجیسی اوستریادر.

ناپولی قرانك اورته دن قالمسنه (غاریبالدی) خدمت ایتدی. صکره ناپولئون
ایله قاوور آره سنده (۱۸۵۸) (بلوم بیرده) که بر قاپلیجه در. بر اتفاقنامه
امضالندی. اتفاق موجبجه اوستریا ایتالیا دن تبعید ایدیله جک (نیس) ایله
(ساووا) فرانسه یه ویریله جک ایدی. بوصورتله طرفین تدارکات حربیه یه
باشلا دیلر. و اوستریا ایله فرانسه آره سنده کی مناسبات کرکینلشدی. حتی ناپولئون
[توثری] سراینده ویردیکی بر ضیافتده هرکسك ایچروسنده «اوستریا سفیرینه

خطاباً حکومتکیزله مناسبتم اسکسی قدرانی اولدیغنه متأسف دیمشدر . صکره ساردنیا قرالی اولان « ویتور امانوئل » پارلمتوده آوستریایه قارشی تحقیر آمیز برطاقم جملهلر صرف ایتدی . هر نه قدر طرفینک ائتلافی ایچون انکلتزه توسط ایتدی ایسهده بر فائده حاصل اولدی . نهایت (۱۸۵۹) ده ساردنیا قرالی آوستریا علیهنده اعلان حرب ایتدی . و نابولئون ایتالیایه موصلت ایتدی . فرانسزلر [ماقاهون] سایه سنده [مازنته وژولفرین] مظفریتنه نائل اوله رق میلانه کیردیلر . بونک اوزرینه طوسقانه ده کی اهالی عصیان ایتدی [سولفرینو] محاربه سنده آوستریالیر مغلوب اولدی .

فقط بواثناده فرانسه نک احوال داخله سی فنالاشدیغندن نابولئون [ویللا فرانکا] مصالحه ابتدائیه سی امضالیهرق عودته مجبور اولدی . بو معاهده ایله آوستریا لومباردیای فرانسییه ویرور . و فرانسه ده قطعه مذبوره یی ساردنیایه اعاده ایدجکدی . فقط آوستریا وندیکی محافظه ایتدی . لکن فرانسه لومباردیای ایتالیایه اعاده ایتیمجه فرانسه علیهنه بیوک برغلیان وجوده کلدی . فرانسه اهانتله اتهام قلندی . انکلتزه ده مقام اقتداره کلان لورد پالمستون ویتور امانوئل جدآ الزامه باشلادی . و خارجییه ناظری جون روسل داثما ایتالیا اتحادینی مدافعه ایدیوردی . نتیجه ده ایتالیا پارلمتوسی (۱۷۶۱) ده [طوره] ده اجتماع ایدوب ویتور امانوئل ایتالیا قرالی اعلان ایدلدی . فقط هنوز وندیک نه آوستریانک ونده پایانک نه ده ایتالیانک النده ایدی . (۱۸۶۱) ده قاوور وفات ایتدی .

وندیکدن طولای ایتالیا ایله آوستریا آره سنده ایکنجی بر محاربه اولدی . ایتالیا بر طرفدن [کوستوا] ده بحر آده [لیساده] آوستریالیر قارشی مغلوب اولدی . آوستریا امیرالی [نه که نوف] آوستریا دوختاسنی پریشان ایتدی . برکت ویرسون که آوستریانک روسیایه قارشی [صاووا] مغلوبیتی کندیشنی قورتاردی . بو محاربه نک نتیجه سنده [نیقوسبورغ] معاهده سی عقد ایدلدی . و بو وسیله ایله ایتالیا وندیکی آلدی . رومانک ضبطنه کلنجه ؛ [۱۸۷۰] محاربه سنده در . او وقته قدر رومانی ؛ پایانی فرانسز عسکری محافظه ایدیوردی . [۷۰] محاربه سنده فرانسز عسکرینک نابولئون طرفندن آلمسی اوزرینه ایتالیا عسکری رومیایه کیردیلر . یعنی ؛ [سه دان] مغلوبیتی ایله ایتالیا نلرک رومیایه کیرملری عینی کونده در . حتی بیچاره

ناپولئون وقتيله كندیسنه برچوق معاونت ایتدیکندن بحثله [ویقتور امانوئل] فرانسه ایله اتفاقه دعوت ایتشدی. زیرا ایتالیایی میداننه کترین فرانسه ایدی. فقط مناسبات دولیده دوستلق اولمديغندن ویقتور امانوئل بالعکس پروسیا جهتی الزام ایدیوردی. زیرا اولجه دیدیکنی ویرمشدیر. حتی [سه‌دان] مغلوبیتده ایتته ناپولئون قلنجنی تسلیم ایتدیکی کیجه ویقتور امانوئل تیاروده بولنیوردی. کندوسنه یاورلری بوفلا کتی تبلیغ ایتدیلر. ناپولئون آلمانیه تسلیم اولدی دیدیلر. امانوئل، زواللی ایمپراطور! نه‌ای که بن‌قورتلدیم دییه تیاروسنی سیرایتمکده دوام ایتدی.

دیمک اولیور که برطرفدن قاوور دیگر جهندن ناپولئون ایتالیا اتحادینه پک زیاده خدمت ایتدیلر.

ایکینجی اتحادده: آلمانیا اتحادیدر. المانیاده [۱۸۵۹] اصلاحاتنک مسیبلری برطافم رجال سیاسیه وار. مثلاً: حربیه نظری (شان‌هورست) صکره الک بیوک مؤلف وقوماندانلردن [قلوزوویچ] صکره [رون] وارکان حربیه هیئتنک باشندهده [مولشکه] در. بو آدم‌لر تماماً «ره‌آلیست» یعنی هیچ خیالپرست دکلدیرلر. وهرشیده بونک اهمیت فوق‌العاده‌نی بحق تقدیر ایدیوردلر. بوهیئت عسکریه پروسیاده ملت مسلحه اساسنی وضع ایدیور. [داسفورت این وافن] دیدکاری شکل عسکری تکمل ایدیور. صکره سیاست داخلیه وخارجیهده بسمارق‌النده بولنیور. بو، اوله بر آدم‌که قوتدن بشقه هیچ برشی طانیمايور. صوک درجهده حیلکار، قورنازه سیاسیات دولیدهده هیچ برمرحمت، شفقت حسی بولنامسی قاعده‌نی تطبیق ایدیور. سلامت مملکت نامه ضعفانک حقوقنی آباق آلتنه آلدینی زمان کندنده اضطراب قلبیهدن هیچ اثر کورلیور. بین‌الملل منعقد معاهداته هیچ اهمیت ویرمیور.

آلمان اتحادینهده ایتالیا اولدینی کیینه اوج مانع وار؛ بری دانیمارقه، دیگر اوستریا، اوچنچیسى فرانسه‌در.

ایشته پرنس بسمارق اوج محاربه ایله آلمانیا اتحادینی وجوده کتیرمکه موفق اولدی. ذاتا اونده برسوزی وار که دائماً تکرار ایدیوردی. «بن‌بو اتحادی دمیر وقان ایله بنا ایتدم.» ایلك محاربه اوستریا ایله برلکده دوقه‌لقر مسئله‌سی بهانه ایدیلر که دانیمارقه‌یه قارشى بایلیور. طبعی کچوک وضعیف دانیمارقه مغلوب اولیور.

وویانہ معاہدہ سی موجبہ (۱۸۶۴) دہ دانمارقہ [هولشتاین ، شیلہ زوویق ، اولنبورگ] ممالکی اوزرنده کی حقوقی اوستریا و پروسیاہ ترک ایدیور . و بودو . قالقلرک صورت ادارہ سندن طولانی دہ پروسیاہ ایلہ اوستریا آردہ سندہ ایکنجی محاربہ اولیور . بو ایکنجی محاربہ دہ پروسیاہیلر [صادووا] مظفریتنی قزانیورلر . و [براغ] شہرندہ اوستریاہ ایلہ پروسیا آردہ سندہ مصالحہ قطعہ امضانیور . و آرتق آوستریانک آلمانیادہ ہیچ برحق ، ہیچ برنفوذی ، مناسبتی قالماور . بکرمی ، درت میلیون نفوسدن عبارت اولان پروسیا [ہکمونیاستک] ادارہ سنک آتندہ . آلمانیادہ شمال و جنوب ، قونفہدہر اسپون « ی وجودہ کلیور . وایلک فہدہرال . پارلمنتوسی (۱۸۶۷) آجیلیور . و پروسیا بتون المانیانک رئیس اولیور . شمالی و جنوبی قونفہدہ راسیونلر آردہ سندہ کی مناسبات سیاسیہ عسکرہ و اقتصادیہ نی مذاکرہ ایچون ایلک دفعہ اولہرق (۱۸۶۷) سنہ سندہ فہدہرال پارلمنتوسی کشاد ایدیلیور .

اوجنجی محاربہ دہ (۱۸۷۰) دہ فرانسه ایلہ اولیور . محاربہ یہ باشلیجہ سبب شمدیکی رومانیا قرالنک برادری پرنس (لٹو پولدہدو ہنزولرن) نک اسپانیاناجنی قبول ایتمیدر . اساساً بونا مزدلک بسمارق ایلہ [سلازرا] آردہ سندہ مرتب برشی ایدی . مقصد فرانسنک بونی قبول ایتہرک پروسیاہ قارشی اعلان حرب ایتسنی تأمین ایتک ایدی . فی الحقیقہ اووقت فرانسنہدہ خارجیہ ناظری اولان [دوق دوغرامون] پارلمنتودہ ایراد ایتدیکي نقطہدہ فرانسنک بو حقارتہ اصلا تحمل ایتہہ جکئی کمال شدتہ بیان ایتدی . بناء علیہ فرانسنک برلین سفیری اولان [بہنہدتیہ] یازیلان نوطہدہ پروسیا قرالنک [لٹو پولدی] نامزدلکدن واز کچرلمسی موضوع بحث اولدی . فی الحقیقہ برمدت صکرہ لٹو پولد بونا مزدلکدن فراغت ایتدی . فقط فرانسنہ حکومتی بونکلا اکتفا ایتہہرک بعدما بویلہ نامزدلکہ اصلا طالب اولیہ جفہدائر پروسیا قرالنک فرانسنہ یہ تأمینات قطعہ ویرمسنی طلب ایتدی . بواننادہ قرال (امس) دہ بولٹیوری . [بہنہدتیہ] کندیسسی ایلہ کوروشدی . قرال جوابندہ لٹو پولدک قطعاً فراغت ایتدیکئی بیان و فقط آتی ایچون تأمینات ویرمک دائرہ صلاحیتی داخلندہ اولمدیغنی و بعدما آرتق بوموضوعہ دائرہ فرانسنہ سفیری ایلہ تعاظمی افکار ایدہ میہ جکئی سویلدی . بسمارق بوندن پک زیادہ تلاش ایتدی . چونکہ او محاربہ یہ قطعاً قرار ویرمشدی . ائتلاف حالندہ بتون امللری محو

اوله جغنی بیلدیکندن و حتی بر آن ایچون استعفا سی و یروب چکلمکه بیله قرار ووردی
 اساسا (امس) شهرنده نه محقر ونهده محقر واردی . اقشام اوزری قرال
 یاورینی فرانسه سفیرینه کوندره رک کندیزی یارین [غولنچه] یه عزیمت ایدم جکندن
 استاسیونده . سلاملا یه بیله جکئی بیان ایتدی . و بسمارقده واقعه‌نی حکایه ایدم رک
 بر تلغراف کشیده ایتدی . «و بوتلغرافی آلمانیا سفراسته و پروسیه مطبوعاتنه
 تبلیغ ایدم یلورسکنز» دیوردی . تلغرافک کلدیکی زمان بسمارق جنرال مولتکه
 وروئون ایله مذاکراتده بولتیوردی . بسمارق بوتلغرافی او قودقندن صکره جنرال لره
 محاربه یه حاضر اولوب اولمدق لرینی صورتدی . مولتکه ، (هردرلو تدابیر عسکریه
 ایدیه جکئی و پروسیانک محاربه یه مهیا اولدیغنی تأمین ایتدی .) بونک اوررینه
 بسمارق (۳۰۰) کله دن مرکب اولان تلغرافی قورشون قامی ایله تغییر ایدوب
 پک آز حقارت آمیز بر شکله غزته لره کوندردی . بو تلغرافک صورتی
 غزته لرده کوریلیر کورلمز فرانسه قاینه سی بونی بر تحقیر دیه تلقی ایتدی . حتی
 خارجه ناظری (دوق غره مون) مجلسده «پروسیا بوتلغرافی ایله فرانسه‌نی
 توقاتلامشدر . بوزم ایچون تحمل کذار بر حقارتدر» دیه فریاد ایتدی . و در حال
 باش وکیل (امیل اولویه) مجلس مبعوثانده اعلان حرب ایچون (۵۰) میلیونلق
 قره دی طلب ایتدی . ذاتا او ائشاده یارس هیجان ایچنده ایدی . مجلس
 مبعوثانده کورولنیلی بر مذاکرتدن صکره پروسیا یه اعلان حربه قرار ویرلدی .
 یالکز اعضادن (تیه) قیام ایدم رک فرانسه نک محاربه ایدم جک حالی اولمدیغنی
 و تلغرافک بر حقارت کبی تلقی ایدلسی بر خطای عظیم اولدیغنی سو بیلدی .
 فقط مجلسده احتراصات سیاسییه اولیه بر حال غلیانده ایدی که معقول سوزلری
 هیچ دیگله یه جک کیمسه یوق ایدی . هپسی دلی کبی اولمشدی . و ذاتا بتون
 بولوارلردن برلینه ، برلینه صدالری یوکسه لیوردی . (تیه) محاربه علیهند .
 اداره کلام ایتدیکندن طولانی مجلسدن چیقدقن صکره آراهه سنی طاشلا دیلر .
 فرانسه نک اوشانده «رهن» اردوسی انجیق (۲۵۰,۰۰۰) کشیدن عبارت ایدی .
 ذاتا حربیه نظارتنک طرز اداره سی ، تنسیقاتی پریشان بر حالده ایدی . فضله
 اوله رق عسکر آره سنده بر آتارشی حکمفرما ، استحکامات غیر منتظم ، وسائط
 نقلیه مفقود ، اطبا لزومندن آز ، ارکان حربیه هیئت جاہل و ناپولیون خسته ایدی .

حالبوکه پروس‌سیاده هر برشی مکمل ایدی . اردونک الک کچوک تفرعاتنه وارنجه‌یه قدر بتون لوازمی دوشونلش ایدی . نهایت اعلان حرب خبری اوزرینه بتون المانیا، بتون صنوف جمعیت الک بیوک عالمندن الک جاهلانه وارنجه‌یه قدر پروسیانک لوای اتحادی آلتنده فرانسه‌یه طوغری حرکت ایتدیلر . و اوج اردونک باشنده یسهارق ، رون . مولتکه بولنیور و قرالدده رفاقت ایدیوردی . دها ایلك مصادمه‌لرده فرانسه اردولری مغلوب اولدی . بو مغلوبیتک خبری اوزرینه فرانسزلر ذاتاً اعتدال دمنی محافظه ایدر بر قوم اولدیغندن مجلسده جریان ایدن بر مناقشه‌ینی متعاقب امیل اولیوویه ، قاینه‌سنی سقوط ایتدی . وقوماندانلقدن (لوبوف) عزل ایدیلهرک یرینه (بازهن) تعیین ایدلدی . فقط بازهن‌ده بر مدت صکره میچ قلعه‌سنی تسلیمه مجبور اولدی . آنک امدادینه کلن دیگر براردو دخی بلجیقا حدودنده کائن سدان قلعه‌سی جوارنده دوچار هزیمت اولدی ؛ که نابولیون دخی بواردو ایچنده اولوب قلیجینی تسلیم ایتمشدر . مع مافیه شوراسی‌ده غیر قابل انگاردرکه بو محاربه‌لرده فرانسز عسکری بیوک فداکارلقلر کوستردیلرکه قرال اونلره قارشى « A! les francs gens » دیمکدن کنديسنی آله‌مدی .

بومغلوبیت اوزرینه فرانسه «محافظه ملیه حکومتی نامیله بر حکومت جمهوریه تشکیل ایدیور ؛ که بو مدافعه ملیه حکومتنده غامبتا، ژولفار، ژول سیمون ، آراغو کبی رجال سیاسیه وار ایدی . غامبتا داخلیه وخارجیه نظارتلرینی درعهده ایتدی . فرمیتاده کندوسنک معاونی ایدی . اوروپا دولتلرینک مداخله دوستانه‌سنی تأمین ایچون فرانسه ؛ تیه‌ری اوروپایه کوندریور . بو اثناده پارس محاصره آلتنده بولندیغندن غامبتا بالونله فرار ایدهرک بیوک خدمتلر ايقاسنه موفق اولمشدر . فرانسه بویه پریشان بر حالده ایکن بویوک آدم آتشین نطقلری ایله (۶۰۰,۰۰۰) عسکری طوپلادی . فقط بتون بو خارق‌العاده فداکارلقلر نتیجه‌سنده فرانسه شان ملیسنی محافظه ، ناموس عسکریسنی اعاده ایتمکدن بشقه بر فائده‌سنی کوره‌مدی چونکه مغلوبیت ، هزیمت پک قطعی اولدی . فراتقفور تده عقد ایدیلن مصالحه نامه موجبجه فرانسه حکومتی آلمانیا به بش میلیار تضمینات و (آلساس لورهن) ی ویرمه مجبور اولدی . وایشته بو اوج محاربه اوروپا حیات

سیاسیه سنک شرائطی کاملاً تبدیل اشدی . کوریلیور که بو جرمانیا اتحادی دمیر و آتش ایله تشکل ایتیش و آلمان ایمپراطور لغتک بنای هیکلنک تمللری فرانسه قانیله سولامشدر . و بوکون ایشته « بو محاربه نك نتایجی بتون دول متمدنه چکیور . اورویا موازنه سی ، الساس لورن مسئله سی ، صلح مسلح بتون بونلر (۷۰) محاربه سنک نتیجه سیدر .

بو محاربه دن صکره المانیاده « سوسیالیزم » مسئله سی باشلار . و المانیاده بو مسئله اجتماعیه غایت مهم ومددهشدر . یعنی سوسیالیزم مسلککنده آلمانلر بتون سوسیالیستلرک معلمیدر .

(روسیه)

ایمپراطور علیکساندرک وفاتی اوزرینه مقام حکمداری یه قعود ایدن نیقولانک زمان سلطنتنده یک مدهش بر استبداد حکمفرما اولیوردی . انقلابدنبر و فرانسه ایله علی الا کثر محارب بولان روسیه عسکری آوروپا احوالنه کسب وقوف ایلدیکندن روسیه دهمه بر انقلاب فکری حاصل اولدی . اون درت کانون اول وقعه سی « نامیله معروف اولان حرکات عصیانیه وقوعه کلیوردی . نیقولابو وقعه نك افکار جدیده اثری اولدیغنه حکم ایده رک فنون جدیده نك روسیه دهمه انتشارینه مانع اولوق ایچون هر درلو تداییر تضییقیه مراجعت ایدیور . مطبوعات اداره سی غزیه لرک اعلانلرینه وارنجیه قدر بتون مندرجاتی تدقیق ایدیور .

وسانسور اودرجه آرتیورکه بتون افکار سیاسیة تاریخیه و اقتصادیه دن اک بی معنا جمله لر بیله چیزیلور . بتون بو تقیداته رغماً دائماً حکومت طرفندن دوچار تویسیخ اولدیغندن سانسور هیئت دلی کی اولیور . ارتق مکتبلرده دارالفنونلرده معلمین صیق بر تضییق آلتنده بولندیریلور . طلبه لرک مقداری تحدید ایدیلور . الیوم روسیه بی ازعاج ایدن . « نیهلیزم » مسئله سی ایشو احوال فوق العاده نك محصولیدر . نیقولایالکر روسیه دهمه دکل بتون اوروپاده اختلاله قارشى مبارزه ایدیور . پارس ، ویا نه ، برلین اختلاللریخ سوندریمک ایچون

نیقولالندن کلدیکنی یاسور. و نهایت قریم محاربه سی اولیور. و بو محاربه نتیجه سنده
نیقولانک سلطنتی ترافلاس سیاسی واجتماعی ایله نهایت بولیور. یرینه کچن ایکنجی
علکساندر زمانده پارس معاهده سی امضالانهرق روسیه ایچون بردور جدید، براق
فعالیت کشاد ایدیلیور. و روسیه نك ذاتاً هر طرفنده اصلاحات و حریت فریادلری
بر زمزمه استرحام شکنده یوکسیور ایدی. بو ائشاده مشهور (هرزه ن) لوندرده
(قولوقول) نامیله برغزته چیقاروب خفیاً روسیه یه کوندریوردی. بو غزته
روسیه ده اودره جه اشتہار ایتدی که او قومق ایچون هرکس هر درلو فداکارلی
کوزه آلیور ایدی. حتی چارک حجره مساعیسنه بیله کیریور ایدی. و بر چوق
سو، استعمالاتی چار بو غزته دن آکلایوردی.

ایشته پارس معاهده سیله روسیه ده بردور اصلاحات جدید باشلارکه بو
اصلاحات خدمت ایدن روسیه رجالتک الک بیوکی (نیقولامیلونین) در اووقته
قدر روسیه ده « سرواژ » (servage) یعنی : (اسارت زراعی) وار ایدی
چار بر بیاننامه ایله بو اصولی الغا ایدهرک بکرمی اوچ میلیون زواللی بی قید
اسارتدن تخلص ایدیور. عدلیه ده ارتکاب وار تشا صوک درجه ده ایدی.
علکساندر قوه اداره ایله قوه عدلیه نك تفریق اساسی اعلان ایدیوردی.
استقلال حکام و عنیت محاکم تأمین ایدلدیکی کبی (ژوری) اصولی ده قبول
ایدیلیور. بدایت، استیناف و تمیز محکمه لری تشکیل ایدیلیور. یعنی چار بو
اصلاحات عدلیه ایله فرانسه وانکلتره اصول محاکمه سی مزج ایدهرک قبول
ایتمش اولیور. دیگر طرفدن آیالاته امتیاز و یریلیورکه بو امتیازات حریتک
مقدمه سی مبدائی اوله جقدر. و بو آیالاته ژمیشتوف دنیلان مجلسلر وجوده
کلیور. و بو مجلسلر هر صنفک بر مبعوثی اوله جقدر. (ژمیشتوف) مجلسنک وظائفی
شو صورتله معنیدر: صلح حاکم لری نك تعیین، تکالیفک توزیی، طرق معابرک
اداره سی. صحت عمومی یه متعلق مصالح معاونت عمومیه مسئله سی و مکتب لری
اداره سیدر. کوریلیورکه بو مجلسلر فرانسه مجالس عمومیه سندن ده فاضله بر
صلاحیته مالکدر. فقط بو اصلاحاتی متعاقب روسیه ده بر عکس العمل باشلایور.
کیری یه رجعت اولینیور. افکار حریت پرورانه لرندن طولانی بعض معلملر عزل
ایدیلیور، درس لر علنی ایکن بو اصول قالدیریلیور. آرتق دارالفنونلرده طلبه

نمایشگری، معارف نظارتی طرفندن مکتبلرک سدی نمایشلر تکرار ایدیور. مکتبلرک کشادی وبر مارزهدر کیدیور. بوغلیان حسیات اوزرینه روسیه دارالفنونلره اداره لری اعتباریله بر مختاریت بخش ایدیور. مثلا کندی داخل نظامنامه لری بالذات تنظیم ایدم جک، هیئت معلمین بالذات دوقنورلری تعیین ایدم جک و آجیق معلم کلرمده دارالفنون هیئت نامزدلر تعیین ایدم بیلجکدی. ومکاتب اعدادیه لرده ایکی به تفریق ایدیور. سانسور قالدیریلهرق ویالکتر لزوم کورولدیکی تقدیرده ضابطه طرفندن اثرلرک طویلاندیرلمسی و فقط محکمه دن حکم قطعی اولمده ضبط ایدلمه می اساسی وضع اولندی. ایشته بواشاده لهستان عصیان وجوده کلدی. آرتق بولهستان عصیانی روسیه عکس العملک مبدائی در. بوکا (۱۸۶۳) عصیانی درلر که بوه عصیانی روسیه دهشتله و کمال شدتله تشکیل ایتشددر. بواشاده روسیه ده غریب بر سیای سیاسی بوکلیور که اوده غزته چی قاقوق Catocf درکه بو آدم افکار غریبه نک دشمنی واسلاولرک اتحادی طرفداریدر. و(پانسلاویم) دیدکاری شی که بالاخره وقوعه کلن روس و ترک محاربه سنده بونک روسیه به یک بیوک خدمتی اولمشدر.

ایشته اصلاحاتک بوسورتله توقفی اوزینه هر طرفده بر قنورنومیدی مثلا ابدادن (چه ریخه فسکی) بو حاله قارشی (نه یاغلی) دیه بر اثر یازیور. صکره بو اثر نسل جدیدک عادتا بر انجیلی اولیور. هر طرفده کی عدم نمونیتک نتیجه سی اولهرق (نیپلیزم) دنیان شکل سیاسی اورته به چیقور. روسیه ده بو نمایشلرک اوکنی آلق و طلبه نک ضبطور بطنی تأمین ایچون ایکنجی عکسکسندر معارف نظارتیه سینود مدعی عمومیه سی (قونت تولستوی) پی کیتردی. ایشته ارتق نیپلیزم ایله حکومت مستبده آرمه سنده بر مقاتله متده حکم فرما اولیور. بر چوق دفعه چاره تمراضلر سوء قصدلر وقوعه کلیور. ونهایت امرده نیپلیزمک قوربانی اولیور.

سیاست خارجه نقطه سنندن روسیه ده پارس معاهده سنی متعاقب بر دور تأمل بردور حضور و سکون باشلار. ریاست اداره ده مشهور (غور جاغوف) بولنیور بوذات ایله پرنس یسمارق آرمه سنده کی مناسبات دوستانه کیتدکجه تزیاید ایتدی.

حتی بالاخره پروسیانک معاوضتی ایله چار (۱۸۷۱) ده لوندره قونفرانسی ایله پارس معاهد، سنک حیثیتنه تماس ایدن ماده لرینی بر دامله قان ایتیمق سزین فسحه مقتدر اولمشدرکه حال حاضرده قره دکرده روسیه نك دوتما بولندیره بيلمسی بو مو فقیقی سایه سنده در . ینه بو ائتماده روسلره قارشو عصبیان ایدن شیخ شاملك اسارتی وچرک سرك انا طولی یه عجزتی باشلار . آرتق روسیه ففقاسیه بی بستیون روسلاشدرمق ایچون هر درلو تداییر سیاسیه بی اتخاذا ایتدیکی کبی چیندن ده (آمور) آراضی سنی آله رق بالاخره ژاپون محاربه سنک تخم لرینی سر پیور .

یته بوتاریخده حائر اهمیت وقایع سیاسیه دن بریسی ده آمریقا حکومت متحده سنده وقوعه کلن محاربه در . آمریقا حکومت متحده سی شمالی و جنوبی اولمق اوزره ایکی یه آیرلمشدر . زراعت، تجارت، صنعت شمالده جنوب دن دها مترقی ایدی . جنوبی لاریسه اسارت زنجیه اساسی قبول ایدیورلردی . و دنیله بیلیرکه جنوبی سرك شمالی لره قارشو بو عدم تقوفی اسارت اوزرینه مؤسس بر طرز اقتصادینک نتیجه سیدر . چونکه جبر و تضیق ایله یاپیلان سعی و عمل بر هوای حریت ایچنده یاپیلان سعی و عملدن دائما اشاغیدر . ایشته امریقا ده بو اسارت مسئله سی بر جوق مبارزه لری ، مناقشه لری تولید ایتدی . واسارتی الزام ایدن هیئت؛ جمهوریت فرقه سی نامی آلتندویکی دن تشککل ایتدی . آرتق بو ایکی فرقه یینده کرک قونفرمه و کرک غزته لره و کرک متینغلر ده مدید بر مجادله لسانیه باشلایور . بالاخره شمالی لر فرقه سینه منسوب اولان [ابراهام له نیقولن] رئیس جمهور انتخاب اولمسی اوزرینه جنوبی لر بستیون حد تلنور . وقارولینده اجتماع ایده رک (۷۸۶۰) دن اعتباراً جنوب حکومتانک هیئت اتحادیه دن انفکاک ایتدیکنی اعلان و [ویرژینی] بی پایتخت اتخاذا ایتدیورلر . بونک اوزرینه (۱۸۶۰ — ۱۸۶۵) تاریخنه قدر امریقا ده بر محاربه داخلیه باشلایور . و نتیجه ده جنوبی لر شمال حکومتانه قارشو مغلوب اولیورلر . بو محاربه اتنام سنده [آلاباما] [فیلوریدا] سفینه لری قورصانلق ایده رک تجارت بریه یه پک مدھش ضربه ایتدیورلر . و محاربه نك نتیجه سی اوله رق امریقا ده رسماً اسارت زنجیه الفا ایدلیدیکی کبی جنوبی لره اتحاد داخل اولیورلر .

اوجنچی جمهوریت

فرانقفوتده عقد اولان متارکه‌یی متعاقب [بوردو] ده مجلس ملی اجتماع ایتدی: چونکه مدافعه‌ی ملیه حکومتی المانلر ایله متارکه، صلح و یاخود حربه قرار ویرمک ایچون مجلس ملینک اجتماعنه قرار ویرمیش ایدی. مجلس معاهدمنک مواد ابتدائیه‌سی قبول و یونایارطک خلعتی تصدیق ایتدی. و مجلسکده دائماً ورسای ده طوبلانمسنه قرار ویردی. بو ائشاده پارسده بر اختلال اولدی که بوکا [قومون] اختلالی دیرلر. اختلال کیرک مروجلری ایله بر طاقم افکار مفرطه اصحابی پارسده بر مرکز قومیتیه‌سی وجوده کتوره رک (اوتل ده ویل)ی شهراماتی ایله برلشدیلر. بونلرک مقصدلری بر اختلال اجتماعی بایق یعنی [اشترک‌اموال] نظریه‌سی تطبیق ایتمک ایدی؛ که بوفرقة اختلالیه‌نک بایراغی قیرمزی ایدی. بونک ایچون قیرمزی بایراغی ملی بایراق اوله‌رق قبول ایله کندیله‌ینه‌ده [ژاقوبین] و یاخود [فده‌ره] لر نامنی ویردیلر. بونک اوزرینه قوه‌ی اجراییه‌ی رئیسی اولان [تیر] عسکری ورسای ده طوبلادی... پارسی محاصره ایتدی. بو محاصره‌یی متعاقب پارسی دهشتلی بر قحط و غلا استیلا ایتدی.

بناءً علیه زواللی فرانسرلر بر طرفدن محاصره دیگر جهتدن قحط و غلا اختلالجیلری بوسبتون دلی ایتدی. پاپاسلری قورشونه دیزدیلر. ذاتاً فرانسه‌ده بویله بر اختلال ائشانمده تعرضه هدف اولان پاپاسلردر. بویله ملتک هیجان عظیم آلتنده یزار قالدینی صرمده سلامت عمومیه قومیتیه‌سی پارسده اوتلده. ویلی، عدلیه نظارتی، توپله‌ری سرایی، مالیه نظارتی، دیوان محاسبات دائرة‌سی و برچوق اکبر قوناقلرینی طووشدیردیلر. بونک اوزرینه [تیر] هجوم امرنی ویردی. وعصاة ایله عسکر اره نده شدتلی برسوقاق محاربه‌سی وقوعه کلهرک برهفته قدر دوام ایتدی. بووقعه فرانسر تاریخنده (قانی هفته محاربه‌سی) نامیله

توسیع یدلدی . مقاتلہ دہ (۱۸۰۰) کشی فدا اولمشدر . فرانسه نك هر طرفندہ اداره عرفیہ اعلان اولوب دیوان حربلر تشکک ایتدی . و بو دیوان حربلر [۷۵۰۰] کشی نی محکوم ایدمرك [نووهل قالدونی] به نفی ایتدیلر . بو جهتله سوسیالیستلر و قومون طرفدارى [تیه] ی هیچ سومزلر الیوم قومون طرفدارى هر سنه [برلاشز] قبرستانه کیده رك فقطلر ایراد ایدرلر . نمایشلر یاپارلر . لکن شونقطه نی اعتراف ایتکی که تیه ؛ فرانسه نك حیثیتی ، شانی قورتارمق ایچون پک بیوکلکلر کوسترمشدر . نته کیم فرانسه تیه رك شو فدا کارلغنی تقدیر ایدرک مشار الیهی بیوک بر حرمتله یاد ایدرلر . تیه رك ابراز ایتمش اولدینی انار وطنپرورانہ و موفقیات ملیه سندن بریسی ده (۱۸۷۱) ده محترم وطنی دشمن المانلرک استیلا سندن تخلص ایتک ایچون ایکی میلیارلق عقد ایتمش اولدینی استقراضدر . بویه ده وطنک بر قسمی تخلیه ایتدیرمکه موفق اولدی . برسنه صکره یعنی (۷۲) ده اوچ میلیارلق بکی بر استقراض یابدی . بوکاده تام اون ایکی مثلی طالب ظهور ایتدی . بوده فرانسه بک اقتدار مالیهی کوستردی . بناءً علیه بو کبی تدابیر حکیمانه نتیجه سی اوله رق وطنی دشمن استیلا سندن قورتاردی . بودجه نك توازننی تأمین ایچون تیه رك تکالیف جدیدہ احداث ایتدیکی کبی اصول مرکزیتی توسیع مآذونیتہ طوغری میل ایتدیردی .

قومون احتلالی ائسانسده اسپانیاه چیکلان (غامبتا) فرانسه یه عودت ایدمرك بر جمهوریت فرقه سی تشکیل و فرقه نك امل سیاسیهی ترویج ایتک اوزره (République Française) غزته سی تأسیس ایتدی . بو غزته الیوم ساحه انتشار ددر . بوتاریخدن اعتباراً فرانسه نك هر طرفندہ اومشهور فقطلرله افکار عمومیهی کندی طرفنه جلبه چالیشیوردی . تیه رك مسلك سیاسیهی محافظه کار اولدیقتدن غامبتا ایله آرملرنده بر درلو ائتلاف افکار حاصل اوله مدی . حتی بر فقطلنده تیه ر غامبتا یه دیور که امین اولکیز که جمهوریت یا محافظه کار اوله جق ویا اورته دن قالقه جقدر — یعنی افکار مفرطه جمهوریتک فسخی و حکومت مستبدانه عودته یار دیم ایدمركدر . الیوم بو جمله نی ایجاب ایتدیکه ، فرانسه غزته لری افکار مفرطه اصحابنه تخطر ایتدیر یورلر .

غایتاً ایسه بالعکس بو نطقك قطعياً علیهنده اداره کلام ایستی . نتیجه ده
تیر ، مجلسده اقلیتده قاهره استعفا ایستی . رینه رئیس جمهور اوله رق
(۱۸۷۳) ده [مارشال ماقاهون] انتخاب ایدلدی که ایکنجی رئیس جمهور در .
مشارالیه اساساً قرالیت طرفداری واولدجه متعصب بر عسکر ایدی . مقام
ریاسته کلیرکلز [دوقدورولی] نی باش وکیل انتخاب ایستی . وجهوریت
طرفداری اولان اعظم مأمورینی عزل ایدرک رینه قرالیت وایمراطورلق
طرفداری مأمورینی تعیین ایستی . وپایاسلره جمله اولمق اوزره پارسک کو بکنده
مشهور (سقراتور) کلیساک انشاسنه باشلادی . انارشیتلرک سوسیالیستلرک
آمالندن بریسیده بوساقراتور کلیسانی هدم اتمکدر . ویواش یواش فرانسهده
پایانک قوه جسمانیه سنک اعاده سی موضوع بحث اولیوردی . حتی دها طوغریسی
مارشال ماقاهون فرانسهده قرالیتی اعاده اتمک ایسته یوردی . واعاده اتمک اوزره
ایکن بر بایراق مسئله سندن طولانی عقیم قالدی . فرانسلرک قسم اعظمی الیوم
استعمال اولنان اوچ رنگلی بایراغی قبول ایستیلر . قرال ایسه بیاض بایراقدن
بشقه هیچ بر بایراق قبول ایدمه یه جگنی سویلدی . مجلس (۱۸۷۵) ده الیوم
مرعی الاجرا اولان فرانسه قانون اساسیسی تنظیم ایستی . بو قانون اساسی
تدقیق اولنه جق اولورسه کوریلورکه برجهوریت قانون اساسیسی اولمقدن زیاده
پارلمنتو اصولنه تابع بر حکومت قرالیه قانونیدر . حتی فرانسلرک بو قانونک
حین تنظیمنده بلجیقا قانون اساسی سندن پک زیاده اقتباساتده بولندیلر . بو
قانون اساسی موجبجه فرانسهده بر مجلس مبعوثان برده سنابو واردر . رئیس
جمهورک وفاتی ویا استعفا سی حالنده ایکی مجلس یعنی مجلس مبعوثان و مجلس
ایمان ورسایده طولانیلر . وبو صورت اجتماعه (قونفره) نامی ویریلوب
قرق سکز ساعت ظرفنده بررئیس جمهور اعلان ایدیلرکه بو اصولی آمریقایلردن
آملشدر . رئیس جمهور یدی سنه مدت ایچون تعیین ایدیلوب فرانسه نك
خارجاً تمثالی عد اولنور . وسفرانک قبولی مسئله سی رئیس جمهورده مودوعدر .
داخله قوه اجراییه نك رئیس اعتباریسیدر . امرنامه لری امضالر فقط هر حالده
مذکور امرنامه لر بر ناظر مسئولك امضانی محتوی اوله جقدر . و صکره

قوانینی تصدیق ایدر . وارزو ایدرسه ایکنجی دفعه اوله رق مذا کره سنی طلب ایدر . فقط بوحقی نظریدر فعلیاتده انحق بر دفعه اولنه بیلمشدر . حق عفوده رئیس جمهوره عائددر . وسناتونک موافقتیه رئیس جمهور مجلس مبعوثانی طاغیده بیلیر . فرانسه ده رأی عام اصولی وارددر . ومبعوثلر درت سنه انچون منتخبدر . درت سنه ختامنده کاملاً تجدید اولنور .

سناتو اعضا لری نه کلنجه : سناتو اعضا لرینک ربعی یعنی (۷۵) ی لاینگز لدر . قید حیات شرطیه مجلس ملی طرفندن منتخبدر . دیگر [۲۲۵] ی طقوز سنه مدتله منتخبدر . وهر اوج سنه ده بر قسمی تجدید ایدیلیر . بودجه نك ودول اجنبیه ایله عقد اولنان معاهداتک قبول وتصدیقی لدی الحاحه نظارک استجوابی مجالسه مودوعددر . وهر مبعوثک حق تنسیبی وارددر . یعنی تنظیم ایتدیکی بر لایحه قانونیه نك مذا کره سنی طلب ایدر . و فرانسه ده مجلس مبعوثانک مدت اجتماعی بش ایدر . ایشته ماره شال ماقاهون زماننده پاپاسلر مسئله سندن طولانی رئیس جمهور ایله بش وکیل مشهور [ژول سیمون] آره سنده بر اختلاف حاصل اولدی . چونکه فتو لیکلر فرانسه ده همه حال پانک قوم جسمانیه سنی اعاده ایتک ارزو ایدیورلردی . بونک نتیجه سنده قایینه استعفا سنی ووروب چکلدی . ومجلسیده ماره شال ماقاهون طاغندی . جمهوریت علینده تشبثات واردی . فرانسه نك هر طرفنده درین بر هیجان حصوله کلدی . بئنه علیه یکیدن انتخاب اولنان مبعوثلر هپ جمهوریت طرفداری ایدی . بالطبع قرالیت طرفداری اقلیتده قالمش ایدی . ومجلس مارشاله قارشو بودجه نی تصدیقندن امتناع ایتدی . بو امتناع ایلك دفعه اوله رق وقوعبولدی . بونک اوزرینه فرانسه نك حیات سیاسیه سی طور دی . ونتیجه ده ماره شال ماقاهون (۱۸۷۹) ده استعفا ایدوب چکلدی . ویرینه بتون قلیله جمهوریت طرفداری اولان [غرمادی] رئیس جمهور اولدی ؛ که اوچنجی رئیس جمهوردر . ومجلس مبعوثانده غالباً رئیس انتخاب ایدلدی . قره سینا قایینه سنک حائز اهمیت وقایعندن بریسی فرانسه نك (۱۴) تموزی عید ملی اوله رق قبول ایتسیدر : بوئانده قره سینا قایینه سی دوشهرک یرینه ژول فرهی قایینه سی کلور . ژول فرهی

قاینه سنده مجانیت تدریسات ابتدائیه ، حریت اجتماع ، حریت مطبوعات قانونلری تنظیم ایدلدی .

یعنی هرکس کفالت نقدیه ویرمکسزین و مساعده استحصال ایتمکسزین یالکیز بر بیاننامه ایله غزته نشر ایده یله جگدی . بووقه قدر حق اجتماع مقید ایدی . اولجه ضابطه دن استحصال رخصت ایتمک مشروط ایدی . ژول فیری قاینه سنده یالکیز اختیار کیفیت ایله اجتماع وقوع بوله جفی قرارلشدیرلدی . صکره اوچنچی قاینه غامبتا قاینه سیدرکه بو غامبتا قاینه سنه یوک قاینه [Le grand ministre] دیرلر .

(۱۸۸۴) ده طلاق قانونی قبول اولندی . سندیقهلر بر نظامنامه یه ربط اولندی . فقط مستملکات پولتیقه سی اوزرینه وهله [طونکن] سفرینی متعاقب جمهوریت فرقه سی ایکی یه ایرلدی . بری [پره غرمه سیست یاخود موده ره] طرفدار اعتدال ، دیکری رادیقالدیر . رادیقال فرقه سی ریاسته ده قله مانسو جگدی .

بو ائاده فرانسه ده نشانلر مسئله سی چیقدی . بناء علیه ارکان حربیه رئیس تانیسنک پاره ایله اوتکنه بریکنه « لژیون دونور » نشانی صائدیفی شیوع بولدی . نتیجه ده رئیس جمهورک دامادی (ویلسون) کده ذی مدخل اولدیفنی تحقق ایتدی . بورزالت اوزرینه رئیس جمهور استعفا ایتدی . و برینه پره غرمه سیست فرقه سنندن (قازنو) ریاسته تعیین اولندی . بونک زمان اداره سنده Boullangiste بحران اولمشدر . معلومدرکه (بوللانژه) غایت یاقیشقلی ، نطوق و صوک درجه ده حریص بر عسکر ایدی . بر طاقم امال سیاسیه ایله حرکت ایدنلر بوللانژه یی برالت مقامنده قوللانق ایسته دیلر . و بوللانژمنک ریاستی آلتنده ملی برفرقه یابدیلر . بو فرقه یه کرک سوسیالیستلردن و کرک رادیقاللردن برچوق آدملر داخل اولدیلر . احتمالکه بو فرقه یه داخل اولنلرک بعضیلری حسن نیت اصحابندن ایدی . بوللانژمنک صمیمینه ایمان ایتشلردی . فقط حقیقت حالده جمهورینی دویرمکدی . برحیات اولان [دوشش دوزمه] ایله [قوت و پاری] معاونت نقدیه ده بولندقلری کبی و دائما قرال ایله کیزلی مختارده بولنیورلرایدی . فقط فرانسزلر دائما ظاهیرت ، نمایشچی برقوم اولدیغندن

بوللاترزه مفتون اولدیلر . وعادتا پرستش ایدیورلردی . مشار الیهی عادتاً بر [ایدول] تلقی ایتدیلر . بر ناپولیون، ایدی که فرانسزلرک المانلردن ۱۸۷۰ انتقامنی آله حق ایدی . واک هجران کویلرده بیله بوللاترزه نك رسمی تعلیق ایدلش ایدی . اکر بوللاترزه ضعیف القلب اولمایوب بر آز عزم و متانت احساندن بولنسهیدی بهمه حال حکومتی ضبط ایده جکدی . فقط بوللاترزه زواللی بر عاشق ایدی . بر کون اقشام اوزری یارده بوللاترزه لهنده افکار عمومیه اودرجه غلیانه کلشدی که اکر بوللاترزه الیزا سراینه طوغری یورومش اولسهیدی رئیس جمهورى قولدن طوتوب آتجقئر ، وکندوسی اومقامی اشغال ایده جکدی . بوللاترزه بودقیقهی غائب ایدی . بو ائشاده فرانسه جمهوریتی محافظه ایدن و بوللاترزه بحرانی و فرقه سنی اطفا و بر طرف ایدن و قیله فرانسه نك در سعادت سفارتنده بولنان داخلیه ناظری موسیو قونستاندر . بوللاترزه بحرانی متعاقب سناتو بر دیوان عالی شکلنده اجتماع ایدمرک بوللاترزه امنیت داخلیهی اخلال ایتک جنایتله اتهام ایدی . بونک اوزرینه بوللاترزه بروکسله فرار ایدوب بر مدت صکره سوکیلسنک قبری اوزرنده یینه بر قورشون صیقه رق اتخار ایدی .

بو حادثاتی ولی ایدن زمان بر مدت سکونت کامله ایله یکیور . (۱۸۸۰) سرکی، عمومی کساد ایدیلیور . ومقام اقتداره کلن قایینه لردائما concentration قایینه لریدر . یعنی رادیقال و پرده غره سیست فرقه لری میانندن منتخب هیئتدر بوکا اشته concentration Repnblicaine دیرلر . بیلیر سکر که فرانسه ده ایکی بیوک جمهوریت فرقه سی واردر . بری رادیقال دیگرى پروغره سیست موده ره یعنی اعتدال و ترقی فرقه سیدر . بعض ایجابات سیاسیه دن طولانی هیئت وکلا بویله هرا یکی فرقه اعضا لری میانندن تشکیل ایده بیلیر . بونکده اصل سببی بر فرقه سیاسیه ایله پارلمنتوده او ائشاده اکثریت قزائحق غیر قابل اولدیغندن دیگر فرقه ییده نمون و اکثریتی تأمین ایتک ایچون دیگر فرقه اعضاسندن بعضیسی هیئت وکلا یه قبول اولنور . الیوم سناتو اعضاسندن بولنان [Méline] ایله اصول حمایه باشلایور . و دولتره فرانسه نك منافع اقتصادیه سنه کوره حد

اصغری واعظمی تعرفه لری تطبیقنه تشبث ایدیور. وارتق سوسیالیستلرده پارلمنتوده حائر اهمیت بر فرقه تشکیل ایدیورلر. (۱۸۹۲) تشرین اولنده مجلس مبعوثانك اجتماعنی متعاقب پناما مسئله سی میدانه چیقدی. اساساً بو ۱۸۹۳ انتخاباتی محافظه کار فرقه طرفندن جمهوریت فرقه سنه قارشو بر سلاح مقامنده استعمال ایدلك اوزره مرتب برشی ایدی. اكلاشدی كه پانامه قومانیه سنك اداره سی صوك درجه ده فنا یعنی حال افلاسده بولنیور. و بو حال صاقلایه بیلمك ایچون مبعوثلردن وغزته جیلردن برچوق کیمسه لر صاتون آلمش اولدینی تحقق ایتدی. و قومانیه نك اك صاحب نفوذ اعضاسندن اولان [بارون دهریتام] وقوعه كلن افشآت اوزرینه درحال توقیف ایدلدى. وایش اودرجه کسب اهمیت ایتدی كه برچوق مبعوثلرك و سناتورلرك تعقیبات عدلیه هدف اولملری ایجاب ایتدی. وحتی عدلیه ناظرى Baïgon محاکمه ده علناً (۳۰۰,۰۰۰) فراقق آلدیغنی سویلدی. واصل پناما مسئله سی بك چوق آدملى لکه لدی. و برمدت فرانسه ده بحران وکلادوام ایتدی. بوفرصتدن بالاستفاده سوسیالیستلر بتون فرانسه ده قونفرانسلى ايله غزته لری ايله خلقی تمییج ایتكده دوام ایدیورلردی. حتی باش وکیل [شارل دوپوی Dupuy] سناتوده هی و عمل بورسه سنی سد ایتدی. بونی متعاقب انارشیت اختلالی باشلادی. یعنی فرانسه حیات سیاسیه سی آنارشیتلرك قوای عمومیه وه وقوعه كلن تعرضلردن طولانی قاریشدی. بو آنارشیتلر نه انتخاباته مداخله واشتراك ایلورلر. ونه ده بونك ایچون بر پرغرام یاییورلردی. یعنی بو آدملى روسیه ده کی ینیلیستلرك پروغرامنی عیناً حر بر مملکته نقل ایتشلردی. مثلاً: انارشیت [راواشول] خالقك اك غلبه لك اولدینی تیارولر وغازینولر بومبا اتمغه باشلادی. صكره آنارشیت [باتیان] برکون مجلس مبعوثان بر مسئله مهمه یی مذاکره ایدیوركن سامعین لوجه سندن اشاغی بر بومبا ایدی. حتی اووقت مجلس مبعوثان رئیس اولان [دمیوی] نك مشهور بر سوزی وار دئما تکرار ایدرلر. زره قدر اعتدال دمنی غائب ایتیه رك M M les seances contument مذاکره دوام ایدیور دیدی. بونك اوزرینه فرانسه یی بر دهشت استیلا ایتدی. برچوق زنکینلر مملاك اجنبیه کیمکه باشلادیلر.

بالطبع بونک نتیجه سنده مجلس مبعوثانده سوسیالیستلرک وبالخاصه موسیو ژورده سک اعتراضاته رغماً انارشیدستلره قارشو بعض قواعد استثنائیه قبول ایدلدی. برچوق انارشیدست غزته لری تعطیل و جمعیتلری فسخ ایدلدی.

بوتضیق ایله آنارشیدستلرک شدتلرینی ده ا زیاده تزیید ایتدیلر. و نتیجه ده رئیس جمهور (قارنو) لیونده ایکن ایتالیایی آنارشیدست [قازدلیو] طرفدن اولدیرلدی. ویرینه ده ریاسته ده [قازمیر پریه] تعیین ایدلدی. قازمیر پریه اعتدال فرقه سینه منسوب غایت نازک و تربیه لی بر ذات ایدی. پریه نك ریاستنی متعاقب سوسیالیستلر بر طرفدن مجلس مبعوثانده دیکر طرفدن غزته لرده رئیس جمهوری تحقیرلره بوغدیلر. نهایت [۱۸۹۵] ده قازمیر پریه استعفا ایتدی. ویرینه پروغروسیست فرقه سندن اولان [فیکسفور] ی ورسایده قونفره حالده طویلانان مجلس عمومی رئیس جمهور اعلان ایتدی. فیکسفور دن اعتباراً زمانغزه قدر فرانسه ده جریان ایدن وقایع مهمه نك بریسه ده دریفوس مسئله سیدر. بودر فوس مسئله سی فرانسه تاریخنه بی مثل بر صحیفه شان و شرف یازمشدر. دینیه بیلیرکه بر معصومك مدافعه حقوقی ایچون او قدر علو جناب او قدر فداکارلق، بشقه هیچ بر قوم طرفدن یاییله مز. ایشته فرانسه اداسندن امیل ژولا (طلوع) Lourure غزته سنده رئیس جمهور فیکسفور خطایاً آجیق بر مکتوب نشر ایدیور. بو مکتوبنده دریفوسك دیوان حرب طرفدن بغیر حق محکوم ایدیلرک شیطان اطه سینه کوندرلمسندن طولانی حربیه ناظرندن اعتباراً برچوق جنراللری اتهام ایتدیکنی واکر جسارتلری وادایسه کندی علیهنده اقامه دعوی ایده بیلمکده سربست اولدقلرینی بیان ایدیوردی.

بونک اوزرینه دهشتلی بر مبارزه باشلادی. ابتدای امرده فرانسه ده مجلس مبعوثان واعیان اعضا لری ایله اعضا لرك قسم اعظمی رجال سیاسیه، علما و ادابه سی دریفوسك علیهنده ایدی. اورته ده سوسیالیست فرقه سی رئیس موسیو ژورده س و موسیو قله مانسو و فرانسه نك شمعی الك بیوک ادبی اولان [اناطول فرانس] وینه فرانسه نك الك بارلاق و مسائل خارجیه ده الك زیاده حائز صلاحیتدار بر محرری اولان [فرانس ده پروسانسه] کی بر قاج محرر و ارایدی. موسیو قله مانسو هرکون «اورور» غزته سنده بر مقاله ایله مخالفین فرقه سنیك اعتراضاتی رد و تنقید

ایدیور. بواختیار آدم سنه لره هر کون یا لکتر بر مسئله ایچون مقاله یازاردی. دریفوسک معصومیتی ادعا ایدن آدم لری ارتکاب ایله اتهام ایتدیلر. کویا موسویلر دریفوسی قورتارمق ایچون میلیونر ایله بو محرر لری صاتون آلدیغنی سویلدیلر. آنجق یاواش یاواش مسئله اودرجه کسب اهمیت ایتدی که بتون فرنسه ایکی قسمه آیرلدی. برینه دریفوزار دیگرینه اتی دریفوزار دینلدی. آرتق فرانسه ده نه استراحت نه سعادت قالدی.

مثلا بابایی دریفوس طرفدار ی اوغلیده بالعکس دریفوسک علیهنده ایدی. قونسرلر ده، بالورلر ده، تیاترلر ده بو موضوع بحث اولور فرانسه ملتک اعصابی فنا حالده تهییج ایدیوردی. نتیجه ده مجادلات و مبارزات و دوئلور باشلادی. واکثریت اوتکی طرفده اولدیغندن دریفوسک لهنده قونفرانس ویره جک لری تهیده باشلادیلر. فرصتی حقیقت، عد ایله سوزلری برینه قورشونلر تعاطی ایدلمکه باشلادی. فقط بو آدم لری هیچ رییسی جسارتلری غائب ایتدیلر. فریاد محققه لری و تشبثات خیر خواهانه لرینه بر سدا هین تشکیل ایدنلری. خان وطن دیه تلعیندن چکنمه دیلر. امیل ژولانک نسلی ایتالیان اولوب کنیدیسی فرانسه نی آلمانیا یه ویرمک ایسته دیکنی و موسیو ژورسک سوسیالیست اولمسندن طولانی قوه عسکریه نی اعحالیده جکنی نشر ایدن جرآنده [پرنس ابن مونت] drsseinqu maut مطبعه ات رزیله فاجره نامی ویرر. و بو آدم لر کمو- قعلری غایت وخیم و نازک ایدی. چونکه هر اردونک قسم اعظمی ردفوسک علیهنده ایدی. فرانسه تاریخک مسائل مهمه سیاسییه سندن معدود اولان بو دریفوس حادثه سی بیطرفانه محاکمه ایدیلر جهک اولورسه حادثات روزمره دن اولدیفنی تظاهر ایدرایسه ده احتراصات سیاسییه و شخصیه بو مسئله نی بویله آلوندیرمش ایدی. یوقسه هر زمان هر وقت بر آدم بغیر حق محکوم اوله بیلیر. هیئت عسکریه ایچون و دیوان حرب ایچون موجب محالته، شین برشی یوق. حکمی تصحیح ایتمکه حلی مسئله ایدیلیردی. چونکه انسانلر لایخطی دکدر. ایشته بو قدر بسیط و ساده بر مسئله فرانسه نی محو ایتمک درجه سنده آلت اوست ایتدی. بو ائاده امیل ژولانک ده فراره مجبور اولمش ایدی. مسئله بر قاج دفعه محکمه تمیزه کلدی. و بوندن طولانی بر جوق

قاینه‌لر دکشدی . فرانسه ایچون بو حیات و ممات مسئله‌سی شکافی آلدی .
 و نتیجه‌ده محکمه تمیز مقدماً دیوان حربک و یردیکی حقسز حکمی نقص ایده‌رک
 دریفوسک برائتی اعلان . و محکمه تمیز ناموس ملی بی‌مخال قیلان بومسئله‌ده بحق
 وظیفه‌سی ایفا ایستدی که شو شایان تقدیس حکم فرانسه‌نک شان و شرفنی او هیئت
 معظمه‌نک حیاتی تی اعاده ایستدی . و نتیجه‌ده فرانسه‌ده نفرت عمومیه بی اکتساب
 ایدن اسمنک ذکر ی بر قباححت اولان و رسملرینه نو کوریلن اوتلنک جاملری قیریلان
 امیل ژولا بیوک بر دبدبه و مطمئنه ایچنده بتون یارسک آغیشلرینه مستغرق
 اولدیغی حالده کیمکلی [مون مارت] قبرستانندن چقاریله‌رق [بانه‌تون]
 معبدینه نقل اولندی . و دریفوس مسئله‌سی فرانسه ایچون مسائل عظیمه
 سیاسییه و اجتماعییه موجب اولدی . اووقته قدر مقام اقتدارده بولسان
 [پروغریست] فرقه‌سی موقعنی غائب ایستدی . چونکه بونلرک فسم اعظمی
 دریفوسک علیهنده اداره افعال ایش و مدافعه حقوق ایچون هر تشبهنده
 بولناملشلردی . دریفوسی التزام ایدنلر سوسیالیست و رادیکال فرقه‌سی اعضا لری
 ایدی . بنابرین انتخابات عمومیه نتیجه‌سنده مقام اقتداره بیوک برا کتریتله رادیکال
 فرقه‌سی کلدی . رئیس جمهور اولان موسیو (لوبه) ده بالجبوریه بوفرقه‌بی
 التزام ایتمکک باشلادی . دادیکال فرقه‌سنک اکثریتی قازانه‌رق منتک مظهر احترامی
 اولدقدن صکره بر ناسیونالیت فرقه‌سی تشکیل ایده‌رک ایشه بوفرقه‌بی بر جوق
 قرالیت طرفداری ، پاپاس طرفداری و محافظه‌کارلر التحاق ایستدیلر . و برمدت
 ناسیونالیستلرینه فرانسه‌بی حال اختلاله ویرمک ایچون بر طاقم تشبهنده
 بولندیلر . شمیدیکی حالده ناسیونالیست فرقه‌سنک پارلمتوده هیچ بر اهمیتی
 یوقدر . و بونک رینه کلان شمیدیکی [فاله‌ر] ده سلفنک سیاستنی تعقیب
 ایتمکده‌در . ایشه بو سایه‌ده رادیکال فرقه‌سنک پروغرامی پیدرپی موقع تطبیقه
 قونغه باشلادی . اساساً اوتهدنبرو بوفرقه‌نک مقصد سیاسیسی که ، فرانسه‌ملتنک
 ترقی و تعالیسنه بر پروژ تشکیل ایدن حکومتله ، کلیسانک افتراقنی تأمین
 ایتمک خصوصنده سنه‌لردنبرو آرزو و بالطبع مساعی فداکارانه‌لری
 نمره‌سی اوله‌رق کلیسا و حکومتک افتراقی اساسنی پارلمتویه قبول ایستدیرمکه
 موفق اولمشدر . چونکه افکار عمومیه کلیسانک علیهنه دونغش ایدی .

شمند و فرلرک قومانیاردن انتراسی اساسی قبول ایتدیردی . اوچنچی بر مهم پروغراملرینی ایکی کون ظرفسده ایراد ترقی ویرکوسی نامبله بر ویرکو مجلس مبعوثان طرفندن قبول ایتدیردی .

قله مانسو بر قاج سنه دنبرو موقعی محافظه ایتکده در . وا کثرت الیوم رادیقال فرقه سندن بولندیفندن فرانسه حکما و سیاسیو نندن اولان بوذاتی دوشورمک ایچون انتریقله تشبیلر او قدر نمایشلر ایدلدیکی حالده هیچ بری مشمر اولدی . موسیو قله مانسو قورقونج بر آدمدی . و صوگ درجه ده زکی بتون حیاتی پارلمنتو انتریقهلری ایچنده کچیرمش اولدیفندن بویه بر آدمک قولای قولای مقام اقتداردن آتیه میه جفی ده طبعیدر . اونک مشهور برسوزی وار . — بن نه وقت ارزو ایدرسیم باش وکالت مقامی ترک ایدرم بنم ارزومه قالمش برشیدر — موسیو قله مانسو زماننده فرانسه ایله انکلتزه آرمنده اومشهور ائتلاقامه امضالندی . چونکه قله مانسو انکلیز بولتیقه سی طرفاداری در . وانکلیزلر کندوسنی پک ایی تقدیر ایتدکلری کبی متوفی قرال ادوارد ایله ده ینلرنده مناسبات دوستانه موجود ایدی .

بو ائتلاقدن مقدم فرانسه وانکلتزه یننده کی مناسبات پک فنا ایدی . حتی [فاشودا] مسئله سندن طولانی ایکی دول اعلان حرب ایتک درجه لرینه بیله کلمش ایدی . فقط ایشته نتیجه ده [فرانسر ده بره سانس] صکره مقتصدلردن رادیقال فرقه سی مروجی « Siecle » غزته سی محررلرندن موسیو امیل بیکو [Siecle économique] براری واردر که شایان توصیه در . [بو کبی رجالی سیاسیة نک نشریاتیه فرانسه افکار عمومیة سی انکلتزه نک لهنه توجه ایتدی . و نتیجه ده ایشته بستیون مسائل معلقه حل ایدلدی . فرانسه دولتی مصره هیچ بر صورتله مداخله ایتیه جکفی بیان وانکلتزه ده فرانسه نک فاسده کی اجرا آتنده حریتی تصدیق ایتدی . یعنی بر معاوضه سیاسیة اولدی . بری مصری دیگر ی فاسی بر اقدی . بو جهته انکلتزه پک پارلاق اولان افراد سیاستنی ترک ایتدی . بونی متعاقب فرانسه ایله روسیه یننده منعقد ائتلاف اوزربنه فرانسه نک رقیب مشهوری بولان آلمانیا انتقام آلمق ایچون فاس مسئله سنی اورته یه چیقاردی . بو فاس مسئله سیده فرانسه ایچون بیوک بر بحر اندر .

عاداتاً محاربه اولمق اوزره ایدی . و او وقت فرانسه نك قوه عسكریه سی محاربه ایده جك بر حالده بولموردی . بلناسبه انكلتره نك حیات سیاسییه سی حقیقه بعض معلومات ویره جكم انكلتره ده محافظه کار و احرار نامیله ایکی فرقه سیاسییه وارد . و پارلمنتو اعضا لری یدی سینه مدتله منتخبدر . فقط انكلتره یه مخصوص بر تعامل نتیجه سی اولمق اوزره اوراده دائماً بو مدتک انقضاسندن اول پارلمنتوی طاعتیدیلر . چونکه انكلتره ممالك سائرده اولدنی کی بحران و كلا صیق ، صیق اولماز . و بونك اولمسیئیده هیچ بر دولت ارزو ایتملمیدر . تبدل و كلا انجق انكلتره افکار عمومییه سنك قایینه دوشدیکي اكلاشلمسی اوزرینه وقوعه كلور . مثلاً منحل اولان مبعوثلق مقاملرینه حائر اکثریت اولان فرقه نك غیری نامزدلر انتخاب ایدلمك باشلامسی اوزرینه قایینه موقعنك تزلزله هدف اولدنی بناءً علیه مهد حریت ، منبع حریت اولان انكلتره ده هر یردن زیاده اوراده حاکمیت ملیه اساسی تطبیق ایدلدکن قایینه در حال پارلمنتوی طاعتیدیر . و بایلان انتخابده اگر اکثریتی قزائمزه آرتق مقام اقتداری دیگر فرقه رؤسانسه ترك ایتمکه مجبور اولور . كرك محافظه کار و كرك احرار فرقه لرینك رئیس بر طرفدن میسטר [غلادستون] دیگر جهندن یعنی : محافظه کار فرقه سی رئیس [دسرائللی] ایدی اوراده محافظه کار فرقه سنك اساساً پروغرامی مصالح داخلیدن زیاده امور خارجیه ایله اشتغال ایتمك اساسنه مستند ایدی . و دائماً بو فرقه انكلتره عنعنات تاریخیه سی محافظه ایتمکه غایت اغیر و تدریجی بر صورتده اشكال سیاسییه نك تبدل ایتمنی ارزو ایدر بر فرقه در .

احرار فرقه سی ده ایدقادر . اصلاحات داخلیه نك ده سرعتله اجراسته طرفداردر . مع مافیه انكلیزلرك غایت بیوك بر عادتق وار . اوده كلن كیده نك یایدنی شیء بوزمامقدر .

حالبوکه دول سائرده و باخصوص برده مقام اقتداره كلان ذوات سلقلرینك یایدنی بكنمزلر و بوزارلر . انكلتره ده بو یوقدر . بناءً علیه لیبرال فرقه سنك اجرا آتی بالاخره محافظه کاران طرفندن دخی ترویج و تصدیق ایدلمکده در .

ینه بو دورده اك زیاده حائر اهمیت اولان مسائل مهمه دن برسی انكلتره

قابینه‌سنگ ترادونیونلره مخصوص بو قانون یا یوب اونلره بر شخصیت معنویه
ویرمسیدر .

بودورده باشلیجه ایکی مسلك اقتصادى واردر . برى مانجستر مكى
خدمات عمومیه یی ممکن اوله بیلدیكى قدر تحدید و حریتى بتون معناسیله
تطبیق ایتمك یدی . بناءً علیه دولتک عمللر ايله قابیلیستلر آره‌سنده کی
مناسبات و معاملاتیه مداخله‌سی طرفدارى دکلدر . بتون معناسیله مسئولیت
اصولانى تطبیق ایتمك ایستلر . هرکس افعالندن اجرا آتندن مساعیسنک نیک و بدندن
طوغریدن طوغری یه مسئول اولورسه اوراده وسعادت ده‌ا زیاده اوله‌جنى
اعتراض قبول ایتمز بو بردستور قطعیدر

مابعدی وار